



陶人心語續選

四卷



陶人心語目錄

劉鍊遂翁自淮陰抵潯見訪相
與吟詩作畫傾倒兼旬喜贈

二章

乾隆五年十一月初六日

冬日昌南道中有作

五年十一月十四日

殘冬山行遇雪

五年十二月初一日

山中霜霰如雪曉行有作

五年十二月初五日

和友人守歲原韵

乾隆六年正月初六日

默同事旅視北歸成哀詞二章

哭送之情神慘淡中不暇計

工拙也 六年正月十六日

題謝梅莊監司奉母督運圖 六年正月

二十
八日

偶畫墨龍并綴小詩 六年二月初八日

雨霽曉發 六年二月二十八日

山行即景 六年二月三十日

山行喜晴 六年三月初一日

和南康商太守郡齋倡和原韵

四首 并序

覆西席曾性豐進士 六年六月初六日

予偶製旗亭飲小詞秀州陳山

鶴閱而有作回和其原韵 六年六月

初十日

新秋 六年七月初六日

秋風起浩然動歸興戲而賦此

六年七月十一日

秋興八首 六年七月十二日

西堂讌集 并序六年七月十九日

秋日遊九峯寺過獅子庵晤務

中上人 有作六年七月二十四日

水府廟望九峯寺題壁 六年七月二十四日

登獅子峯 并序六年七月二十四日

遊九峯寺賦塵近如上人四首

六年七月二十四日

留別九峯山水得五七律各一

首 六年七月二十四日

九峯寺秋海棠甚夥且艷歸途

乞得一叢喜而有作 六年七月二十四日

九峯寺近如上人侍者至寄覆

六年七月二十六日

獅子峯務中上人侍者至寄覆

六年七月二十六日

山僧贈海棠賦以自嘲六年七月二十九日

秋雨夜讀六年八月初三日

秋日過峽石山寺小憇望匡廬

諸峯六年八月初四日

八月初四日視權大孤塘晚坐

衙署口占

秋日江州即景六年八月初五日

孤山衙署六年八月初五日

孤塘道中偶興六年八月初五日

孤塘歸途輿中即事兼以撥悶

六年八月初五日

秋興八首并序六年八月初十日

朝珠日久繩解珠脫及地旋轉
聲脆機活有大珠小珠落玉

盤之致戲而有作六年八月十一日

余性偏僂懶於櫛沐每淨髮過

期日戲成一章自嘲六年八月十二日

中秋日西堂讌集即事

中秋日觀演邯鄲夢暨自製野

慶諸雜劇率成二首

西堂讌集和友人原韵六年八月十六日

豚兒萬寶醉盤有作六年八月十八日

中秋後四日雙碧樓望月

送江靜涵六年九月十三日

送西席陳山鶴歸秀州六年九月十六日

湖口崔孝廉以古玩求售并賦

詩代簡次韵覆之六年九月二十四日

辛酉榜發時正奉使潯陽間

寅兒獲雋漫成二首示勉六年十月

初三日 捷至

柴桑道中

六年十月初十日

方老鶴閱予陶人心語見贈以

詩和韵覆謝

六年十月十一日

溪山早行渡響水灘

六年十月十一日

稚松

并序六年十月十二日

送浮深令沈懷清牧象州

六年十月十七日

自景鎮回九江午後發行紆迴

深山中入夜抵汪家橋漫成

山行早發

六年十月二十二日

書懷

六年十月二十四日

柱峯南提臺致政歸里以畫虎

索題用賦短歌

六年十一月初一日

自題四十小照

六年十二月初十日

題芝雲圖小照

六年十二月十一日

寄輓三癡老人兼呈信州劉蘊

輝副戎 并傳六年十一月十一日

題自畫蒼松鸚鵡圖寄彭樂君

方伯 六年十二月十三日

題安期進東圖壽凌約銘觀察

六年十二月十三日

陶人心語續選卷四

潯江著

瀋陽唐英俊公

劉鏡邃翁自淮陰抵潯見訪相

與吟詩作畫傾倒兼旬喜贈

二章

兩地形神入夢尋相逢一笑自淮陰
紅塵未染漁郎面古調仍吹鐵篴心
曉月晨星知己少寒江舊雨故交深

共忘老大饒佳興怒墨狂毫競嘯吟
其二

故人遠訪過潯陽楚水淮天話異鄉

跨下橋空無國士爛船洲冷有漁郎

湖南有地名爛船洲

清燈同聽寒江雨老鬢相憐宦

海霜此去知君風韻好數聲錢篋入

沅湘

冬日昌南道中有作

北風古道馬蕭蕭水送山迎慰寂寥

荒僻人家邨店少款迴徑路野程遙

葉空老樹喧寒鳥水涸深溪卧斷橋

倦眼塵心堪自笑相逢多半是漁樵

殘冬山行遇雪

山行頻越境歲暮六花飛俗美村墟

靜年豐雞犬肥田家評臘雪稚子着

年衣冷路熱中客相看一息機

山中霜霰如雪曉行有作

昨夜霜華重朝行眼一新飛花微類
雪介樹已堆銀溪隔邨煙淡橋排履
跡真山林清冷境恰稱白頭人

和友人守歲原韻

東風瞬息換殘年節序天涯旅思牽
白髮驚心羞往事青雲緩步遜時賢
顏憑栢酒回春色冷與梅花訂夙緣

郊野行看新雨露芳菲極目興依然

其二

權水陶煙十四年江湖身為

主恩幸自將樸拙還天地嘗擁圖書對
聖賢溫飽敢言非素志榮枯未了信
多緣不堪追憶垂垂老先飲屠蘇事
宛然

默同事旅襯北歸成哀詞二章

哭送之情神慘淡中不暇計
工拙也

孤颿逝水黯江春
薤露歌翻送故人

兩世交情趨
禁籞令尊與子同供奉
內廷十餘載三年

使節駐漁濱
酌息君已無遺恨
旅櫬

誰能不愴神
五色烟中看彷彿
精誠

猶似佐陶甄

其二

斯人死矣枉呼天
腸斷宮亭湖上船

故國竟歸應化鶴
珠山月落怕聞鶻

殿署內有珠山君承陶鑄方三載蒞廠甫經三載我長疲

癯更十年子長十歲老淚紛紛無限意
陽關

聲可達重泉

題謝梅莊監司奉母督運圖

輓運供天庾
方舟奉北堂
王程

勞自得臣母喜
能將蒜水江湖便

陸八言集卷四
君親報効長春風花柳岬淮口接瀟
湘

其二

繼起東山重難容基墅清酌恩忘髻
髮養志樂將迎孝遂終身慕情憐一
疏誠望雲陟岵者臣子道誰并

偶畫墨龍并綴小詩

飛騰雲漢上霖雨及千方試問泥蟠

日誰能測短長

其二

金壺幾點墨飛灑入雲霄父老何須
賽人間無旱苗

其三

蠖屈齋淪日風雲利濟心在天與在
野總作盛時吟

其四

頭角已崢嶸朝天尺木成行看破壁
去霖雨及蒼生

雨霽曉發

春來經月雨此日快新晴風水沿江
順籃輿逐路輕麥方能作浪柳已解
藏鶯泥濘皆夷坦天憐旅客情

山行即景

萬壑千巖裏行踪任路斜穿雲尋野

寺沽酒問誰家怪誕嗥春鳥嬌癡經
雨花窮探幽僻境到處有桑麻

山行喜晴

辛年春仲月遊覽半日公雲漏玲瓏
日林穿寒暖風孤村新綠裏茅店野
花中仕隱渾忘我徜徉興不窮

和南康商太守郡齋倡和原韻

四首

嬌黃嫩綠煙籠柳陌之鶯白
水青天光漾晴江之縠金衣
珍上苑青鎖闥逸韻鳴春梔
浪接龍門斷虹橋清流浴日
簾垂舊雨簿書太守有閒情
琴鼓新聲歌詠群賢成雅集
有倡有和蘭譜爭芳亦步亦
趨後塵是媿

新鶯

得林字

堪熟蠶生雨及壬乍聽睨
旣應時禽
方遷喬木出幽谷旋着金衣
占上林
斗酒雙柑先野興早花嫩柳
獨知音
有梭欲試終湏織如錦春光
補衮心

新柳

得輕字

萬縷千絲綠未成
烟籠寒食又清明
玲瓏影逗鶯聲碎
婀娜風扶舞態輕

粧鏡淡分眉上色翠樓初引陌頭情
隋隄灞岸穿春思長短如愁逐雨生

新漲

得痕字

銀濤雪浪齧雲根浩淼空濛萬里奔
圮岸斷橋添野渡浮花浸柳小孤村
近山波撼峯嵐影遠浦颿衝天水痕
渙漫潄流分九派朝宗指日滙龍門

新晴

得初字

連朝陰雨暗吾廬頓覺長風掃太虛
撲檻山光雲散後上簾花影日來初
草迷野浦迸新綠虹挂斜陽明綺疏
鳩拙也知天意轉笑他呼婦力無餘
覆西席曾性豐進士

聚散尋常事始終君子心恕人無恕
已知道乃知音態任秋雲薄情憐舊
雨深悽然何限意鍾石望雙岑

予偶製旗亭飲小詞秀州陳山
鶴閱而有作目和其原韵

洪爐大冶煉神僊極熱排場冷事傳
一粒金丹何處度旗亭雪裏酒杯前

其二

風流放誕本無師得意陶情祇自知
雪裏旗亭今古有更誰檀口唱新詞

新秋

志澹期無夢心安客即家閒階看蟻
陣醒枕聽蜂衙辛苦將雛燕精神結
子花秋風真故舊消息到天涯

秋風起浩然動歸興戲而賦此
南畝多真趣其間達者知榮名固所
願拙老豈相宜寄興無須酒間愁不
入詩百年如驟驥安用要津為

其二

疊前韵

平頭六十歲衰健望來知
醉國壯無術叨恩老不宜
妄心常笑夢澹境自敲詩
難了兒孫累何須牛馬為

其三

宦隱就衰白酌知愧此身
胼胝陶事業會計權精神
案牘勞形少詩書發興新
看雲常仰面粟里想歸人

其四

疊前韻

盼秋秋已至抖擻宦途身
雲變風前態花添雨後神
過來心境澹老去世情新
自笑勝人少無能解讓人

秋興八首

西流大火三庚盡寒燠銷磨百歲身
雲白天青秋面目鏗明夜靜客精神
匡君已去廬千古粟里曾經歸幾人
漫據形骸求進退山林塵市總風塵

其二

廿載山巔更水涯不遑內顧尚浮家
盈虧雙碧樓頭月次第江州陌上花
客舍逢秋新况味宦囊淡墨舊烟霞
未能免俗朝昏事也逐遊蜂放兩衙

其三

薄雨微雲秋意新陶煙權水一孤臣
忙無濠濮之間想間即羲皇以上人

其四

品望支離官爵定文章遮莫道途塵
隨緣逐境垂垂老六十年来率性真

暑欺十笏齋如斗風送新秋似海寬
足底青雲忘熱路鏡中白髮老炎官
篆焚爐火香千縷光助書燈月半丸
却笑愁多潘宋輩閒居悲賦枉寒酸

其五

疎狂逸興未全刪
塵吏偏能自愛閒
湓浦光延千頃月
匡廬翠擷一樓山
晨昏不廢書娛老
酌應隨緣心閉關
誰道煙波無我分
逼真鷺序與鷓班
其六

白髮青衫已老夫
胼胝脚

命尚江湖零風碎雨秋多態
斷簡殘編興不孤
塲下何妨觀傀儡
柯南正好

夢模糊炎薰烈日俱經遍
心地清涼坦宦途

其七

愛秋不覺老仍狂
秋意秋容引興長
聞月聽香人笑癖
勘書讀畫自尋忙
知時社燕將雛去
伴客籬花待雨黃
塵吏足誇清富貴
丹山碧水滿詩囊

其八

陶心言集卷四
三
蝸寄蛩吟老未休三年夢夢古江州
寒山冷水偏豪興爽籟高天獨愛秋
元亮何須同意見安仁端底各閒愁
西風也動蓴鱸思去住恩深且自
由

西堂讌集

辛酉秋七月望後三日諸友
共集江州使署公餘無事為

卜夜之歡沽酒市脯吳歛巴
唱演邯鄲尾劇維時山雨送
涼適當癡人說夢老境宦途
恍然有會於意象之外諸公
當此若能熱心暫冷倦眼微
開未必不抵趙州橋一番奇
幻公案也特賦里言以博一
笑

冷宦居然熱境遊
半官半野任勾留
嘉賓雅集花前榻
山雨涼生江上樓
卜夜勸酌雖欠月
及時絃管却宜秋
當場莫訝黃梁誕
同向邯鄲夢未收
秋日遊九峯寺過獅子庵晤務

中上人有作

九朶蓮華捧梵宮
雲封樹罨路猶通
水環馬尾嘶風急
九峯水名
馬尾窟探獅菴踞

嶺雄石蘚屐痕初
破碧嵐花醉眼尚
留紅一條筇竹經
行處葉綺無心識

務中

務上人本主西林頃養靜菴綺精舍
去獅子庵里許能詩所著有風懷錄

水府廟望九峯寺題辭

路隔塵寰一線通
亂雲堆裏梵王宮
孤清僧占羲皇世
高曠天開濠濮風
溪水無橋紆徑遠
野花有艷向人紅
幽探白髮青衫吏
深入匡廬奧域中

登獅子峯

峯在九峯寺右側登其巔東望鄱湖西眺潯水九江大孤歷應在目洵稱大觀

足健不辭遠秋高獅子林山僧山水

供

此近公語也括入識與

俗吏俗塵心眼放江湖近

衣沾翠靄深煙霞原有癖此日快登

臨

遊九峯寺賦塵近如上人四首

匡廬面目山南識靈境天開別有源

社暮白蓮尋慧遠雞催遊屐舞劉琨

予迫於往返五鼓發行

閒雲填壑迷樵徑野水歸溪

繞寺門競秀爭流勞應接九峯從此

擾唵魂

己未春予過廬山其秀峰諸刹之在山南者俱經遊覽九峯則居山北至此乃得編歷

其二

渡水穿雲眼界寬肩輿初卸此憑欄

情多野鳥歡迎客
禪悅山僧不識官
人事原無三日定
秋光已見一分殘
自憐塵網羈迷久
退步還如進步難

其三

九峯款仄老偏登
步履忘勞倚瘦藤
遊興也如行脚債
前生應是打包僧
丹黃萬木連朝雨
明滅空堂古佛鐙
供養飽餐香積飯
醍醐同味壓牲膾

其四

步履探竒願力能
秋高一杖九峯登
遠公笑未薄塵世
陶令歸寧輕斗升
松粉落風香細細
苔斑經雨綠層層
空山冷趣無人領
合讓閒官與野僧
留別九峯山水得
五七律各一首

首

山磨水滌萬緣空
到此塵心老衲同

秋已連綿消夏雨桂將次第報香風
簿書不廢偷閒興魚鼓爭傳晚課功
相對忘言歸意懶一丸斜日透林紅

其二

遊到九峯寺佳廬面目新雲封山拒
客花擁路迎人老衲清如鶴秋林色
擬春留連塵世外悔現宰官身

九峯寺秋海棠甚夥且艷歸途

乞得一叢喜而有作

嫩白輕紅古寺開那堪國色伴經臺
顏如中酒嬌無力情似傷春夢乍回
有影不隨秋月上無香應免晚蜂摧
山僧解我深憐惜携入籃輿擁夜來
九峯寺近如上人侍者至寄覆
白髮青衫老更狂九峯深處去來忙
歸時面目人爭訝一片山林氣味香

其二

維摩居士老瞿曇
世外塵中一接談
為報九峯山共水
好留幽秘再來探
獅子峯務中上人
侍者至寄覆
何時得向獅庵住
木馬泥牛結宿盟
竹韻松濤風雨夜
來聽八萬四千聲

其二

塵吏竒貪笑不盡
此心可欲亂無餘

雲烟邱壑歸詩素
搯到山僧壁上書

上人以桑浦和尚詩字軸見惠

山僧贈海棠賦以自嘲

花到海棠秋可憐
何當山寺伴枯禪
大夫笑我登徒子
打破僧慳證色緣
秋雨夜讀

靜夜虛窗雨意幽
幾多人對此時愁
盡貪夢裏尋殘夢
誰向秋陰聽好秋

太傅青衫爭灑淚庾公明月罷登樓
一條紅燭何如我蠹簡堆中坐白頭
秋日過峽石山寺小憇望匡廬
諸峯

又來峽石坐眼界豁高穉雨霽山如
洗庵荒僧似鷗歸雲迷野塢漲水落
沙洲屏障西南聳匡廬一望收

八月初四日視權大孤塘晚坐

衙署口占

軒輜邱壑過忽忽不得尋秋為急公
竹把木簾催漲鼓鹽帆賈舶過關風
烟波四面連雲濶楓柏千山釀雨紅
晚角吹殘衙放後居然老衲一龕中
秋日江州即景

漫笑風塵未肯休隨緣不惜鬢逢秋
思深敢作還山計心淡渾如出世遊一

塔斜陽蕭帝寺滿城黃葉庾公樓羨
他九派長源水潮落霜清不斷流

孤山衙署

權署瀕彭蠡居然一鏡中浪花飛几
席飄影上簾櫳屏宇烟嵐迥湖天世
界空千櫓與萬櫓游泳及同風

孤塘道中偶興

數載天涯歲序加權陶啣

命近烟霞襟期澹泊三秋月世事絲華

一鏡花寒蹇性成官似衲報酌心切
客忘家漢騫矍鑠西風裏蠡水潯江
且泛槎

孤塘歸途輿中即事兼以撥悶
西風于役遠世外暫時遊草色寒經
雨蟬聲老帶秋旅人停樹底村婦浣
溪頭欲問山家俗林深徑復幽

其二

秋意滿川原西風擁鹿轡亂雲埋古
寺野水匝孤村分隊雞棲樹驚人犬
吠門我非漁者伍楓柏儼桃源

其三

深山深處過荒僻古風存圯岸破船
渡童山獨樹村幾椽茅蓋屋一木水
通門不與人間事豐年酒滿盆

其四

煙霞中兩日心境動三分花竹秀而
野溪山靜以文有村皆入畫無徑不
穿雲好景輿僮速歸來未夕曛

秋興八首

前作七律八首友人以五
律和者因再疊前韻

炎暑回天地清涼置此身簡編方卜

夜燈火漸怡神玉露蛩吟砌冰壺月
伴人待時庭下桂指日報香塵

其二

旅思浩無涯槎頭漢使家鴈傳天上
信桂馥月中花寒雨山飛翠輕風水
漾霞白雲紅樹裏鼓吹放秋衙

其三

萬寶一時新秋光到達臣仙槎浮漢

使盛代折腰人不作間居賦難汚庾
亮塵鬚眉頰易鏡澹定寸心真

其四

天地何曾窄心情各自寬山中原有
相林下盡思官事業堪今古功名亦
彈丸秋風原上客緣底慣辛酸

其五

舊著自評刪秋燈秋夜閒心澄潭底

陶心詩經選 卷四
月坐穩海中山官澹何殊隱門清不
用關 楓宸思往事廿載遠朝班

其六

鬚眉老矣夫簪笏在江湖高厚差能
報形骸不惜孤直尋姑尺枉眯目未
心糊四序秋堪喜飛黃壯遠途

其七

敢放老來狂捫心無一長但循拙本

分不逐巧奔忙氣肅千山靜風高萬
木黃宦途真事業滿載傲奚囊

其八

塵吏似忘休蕭然江上州放衙多暇
日唱殿半尋秋索牘勤忘苦虧盈數
不愁紫桑歸路在盛代去無由

朝珠日久繩解珠脫及地旋轉
聲脆機活有大珠小珠落玉

盤之致戲而有作

山衲朝官空色禪輪環斷續總因緣
機輸木棹累累發詩愧明珠顆顆圓
旋轉秋荷清滴露依稀春殿早鳴鞭
漫愁散亂難收拾百八叅通一線穿

余性偏僿懶於櫛沐每淨髮過

期日戲成一章自嘲

斑白頭顱老不知幾忘盥櫛任妍媸

髮芟真可除煩惱辯結渾如理亂絲
已免飛蓬愁戴髻還堪搔首便吟詩
怪予鹿鹿魚魚性懶整頽頽靜片時

中秋日西堂燕集即事

秋色平分日冰壺徹舞筵月看今夕
滿人喜異鄉圓雅興忘賓主方音雜
管絃醉心寧在酒同適性中天

中秋日觀演邯鄲夢登自製野

慶諸雜劇率成二首

絲絃急管度中秋興味渾忘已白頭
枕上乾坤場上夢塵中事業掌中甌
隨緣風景差堪取過分林泉敢妄求
任笑癡人猶未醒心空不慣看閒愁

其二

六十年来面撲塵連朝野興薄秋旻
還山有志思難負涉世無方老率

真廬阜月推千嶂出潯陽楓深幾村
新片時借景慙過望農圃漁樵作四
隣

西堂讌集和友人原韵

是日演耶
耶亭雜劇

垂老塵心熱秋堂片刻涼
鐘中黃梁飯枕上盧家郎
事功歸夢寐水火烹陰陽
欠伸灑然覺矐目詫景光
觀者歎此復羨此輾轉反側
何時止醒醒

睡睡邯鄲鄉盡恨捷足不如駛桂酒
香秋月朗趙州橋畔同豪爽

豚兒萬寶晬盤有作

兒生已周晬湯餅樂如何花甲叨

恩重

昔子年已六十兼權
江州業經三載

添丁屬望過心田貽

地在金屋授書多異爾酌先志他年
好琢磨

中秋後四日雙碧樓望月

憑闌獨夜客幽境望中收蕩漾一江
月蒼茫萬里秋露冷司馬淚風滿庾
公樓興會自今古愁人浪白頭

送江靜涵

國士難逢眼囑君無自輕琢礪成玉
寶爐冶識金精鮑升何嘗死夷吾豈
未生江郎才已盡不賦別離情

送西席陳山鶴歸秀州

聚散皆天意君隸繫我思
硯田携化雨絳帳想丰儀
松菊應無恙蓴鱸正及時
鴛湖他日興長與故人期

湖口崔孝廉以古玩求售并賦

詩代簡次韵覆之

襟期枯澹老依然玩弄無心覓萬全
白月清風多長物殘編斷簡不須錢
逢時漫笑折腰米貽後羞營負郭田

神往昔賢高鑒賞曾將琴鶴伴行纏
辛酉榜發時正奉使潯陽聞

寅兒獲雋漫成二首示勉

科第尋常事聞來喜覺深
憐兒今日捷遂我昔年心
澤幸承先世文寧博賞音
致身初得步漫自許華簪

其二

六齡悲失母隨宦指南天
裘馬無餘

習詩書有夙緣
棘闈愁禁劇
葢榜忽名傳
轉眼春花發
瓊林好着鞭

柴桑道中

是日發行
景鎮視陶

寒霜冷雨日來頻
醞釀暄妍作小春
錦繡叢中截野屋
烟霞深處走勞人
山當秋老峯巒瘦
水落江空浦嶼新
愧我柴桑三載住
依然面目舊風塵
方老鶴閱予陶人心
語見贈以

詩和韵覆謝

逐境隨緣自寫真
性天忘富不知貧
陶煙權水四千里
白髮青衫一个臣
只有寸心堪對已
曾無綺語可驚人
琢礪君外誰知我
五度蓮花幕裡春
溪山早行渡響水灘

風塵面目官于役
近林巒峯影深溪
動雞聲野塢寒雲封
高嶺樹橋卧亂

流灘心境悠然會渾忘行路難

稚松 并序

鄱陽新田埠沙原遼濶放眼
曠然居民藝松地也輿中一
望青蒼天矯具體而微頗堪

賞識曰漫成二首

稚松全體具大器概先知
樗櫟暫同伍雲霄終異姿
濤輕貼地捲蓋偃向

天支雨露栽培厚陰成鶴訂期

其二

草茅方崛起有勢已參天
天矯知材大青葱得氣全
形同花柳嫩質傲歲寒
堅漫說秦封遠凌霄不待年

送浮梁令沈懷清牧象州

忽聞榮擢喜如狂十四年來共一方
民社賢勞君瘦沈陶漁歲序我頽唐

春風象郡隨車雨
夜月珠山照屋梁
報効臣心曾互勉
漫將離緒擾迴腸

其二

驪駒聲裡去忽忽
酌國知君志不同
黥面文身歌惠政
蠻烟瘴雨掃清風
口碑已墮西江淚
肺石行鐫百粵功
我輩寸心無遠近
青天白水自鱗鴻
自景鎮回九江午
後發行紆迴

深山中入夜抵汪家橋漫成

辛苦勞臣筋力能
霜天硤确凜冰兢
風塵宛爾林泉叟
興味居然酒肉僧
水漾冠纓差勝濯
山歸詩索不須登
烟橫野塢孤村勉
寒犬聲中一點燈
山行早發

茅店荒譙不問更
據鞍殘夢續難成
山銜落月無人跡
滿地霜華雞亂鳴

其二

路僻山深道里遙
做裝何用待崇朝
巖烟溪霧微茫裏
野水間聲不見橋
書懷

庸碌無他技
遭逢分已過
心田培雨露
宦海靜風波
花甲年如此
生成報若何
陶煙與權水
白髮任漶娑

其二

何事垂垂老
天涯羈旅臣
風塵中學
者冠蓋裏
陶人才拙
將勤補詩
拙發性真
向榮同草木
霑被總陽春

其三

勞勞六十年
盡已敢求全
繼志書貽
子存心命
信天隨緣
隨地足不
受不知憐
迂拙憑人
笑枯榮自
坦然

其四

此生何憤憤謀志不謀身人豈難知
我我寧敢負人花輸時艷冶梅契古
精神天鑒猶憐處迂踈抱寸真

柱峯南提臺致政歸里以畫虎

索題用賦短歌

長松搖天風流泉震深隴山君居其
中俯視難為伍蕭然世外天捫舌自
納吐從龍際風雲歸山息神武行藏

真英雄文采終散黼見面已知心寧
敢輕畫虎

自題四十小照

昔花甲
已週

此是當年我今看訝似誰功名由困
勉事業問鬚眉積厚書貽子心空語
託詩駐顏圖畫裡蒲柳換秋姿

題芝雲圖小照

錢邃先生我諍友垂髫識我我皓首

諤諤屹屹古人風聲飛
輦轂笛在手杖頭錢醉月明樓驢背詩吟馬市

廿年前先生秋興詩有驢背塵埋馬市口杖頭錢盡月明樓之句

筆花墨彩動王

公聲價文章不脛走
桃巷源冷憶漁郎沅水湘雲歸一叟充問令子志四方
矍鑠此翁七十九又復將雛奮遠空淮陰遇我重握手策鞭同入春明門
風流誰是當年偶

丁巳歲不金遠翁遇於淮陰適予入都重訪故

人不勝曉星殘月之感

晨星交繫爛船洲舊雨情牽

白社柳

唐李白曾結社於會同縣故有白社山

可堪萍聚六年中

忽來江左忽江右相逢袁浦又潯陽
二老不知老更狂河上名成君有子

我亦有子紹書香

長君紹麟河防奏績近有不次遷擢之音予次子寅保適有北闈之捷

水源木本思先澤痛我失怙音容忘
君有侍遊將車樂芝雲圖畫神仙鄉
神仙鄉駐景光山疊疊水湯湯青松

翠竹鬱鬱以蒼盛世逸民君先子科頭
把卷坐義皇道貌芝顏我未見此日
披圖乃逼見使我塵俗對高風俛首
齋心愧且怍欲贈以言言不文詩訶
况列名世彥光華錯落皆琳瑯十丈
穢溪頌殆徧嘍嘍嚶嚶何情深養高
承志兩堪羨聊同鏡遂譜金蘭此筆
為君揭生面公餘盥手一濡毫辦香

縈結烟如線

寄輓三癡老人兼呈信州劉蘊

輝副戎

并傳

老人姓陳氏諱璋自號三癡
子秦人也遨遊江湖間有年
居停無定跡人不能窮其所
自始善鼓琴嗜吟咏兼擅書
畫素不耽飲每當臨池染翰

輒呼尊命酒棹盃迭進亟亟
如飢渴狀乘酒力揮灑華勢
道古搽綴如不經意而結構
折旋往往得未曾有愈醉愈
竒書畫各具華墨外趣酒盡
則不能執筆擲筆後則不能
復進點滴矣余曾面索其書
故得其梗概如此性恬澹枯

寐常獨坐有會心處或援琴
而歌或把卷而吟或飛華澹
墨延晷自怡而已不樂與人
交遊亦無有知之者信州劉
副戎蘊輝從容裘帶具儒將
風有心人也邂逅於采石江
上竒其人結世外交延入幕
府相與探竒說劍飲興吟情

陸八言系選 卷四
跬步必偕者數年曾未一語
及官常事冠蓋僚友鮮有窺
其半面者老人高手哉歲康
申蘊輝攝篆江州與余同梓
里且有臭味之合偶言及老
人予心動期欲一見強而後
可其人眇一目貌不甚揚而
樸野有古風度衣履布素不

乘輿馬賓主相接長揖之外
澹如也及叩其家世宗系笑
而不荅迫之則曰不足道也
終不一言即親密如蘊輝想
亦領其大略未必悉其端倪
耳辛酉嘉平之十日得蘊輝
書具言老人於七月間嬰噎
症不飲不食者累月日無憊

容不親床簟安閒如疇昔一日援華濡墨長吟留別詩一章大書箋素書竟跌坐而化噫其來也飄然其去也灑然可異也蘊輝為之卜兆於信州之南屏山一杯亭畔即所謂君子亭者是也亭側有趙文若謝疊山二先生墓老人

之塚為之比鄰墓後人每傳其有異跡城鄉男婦僉以仙人墓呼之一時文人墨客率多展拜吟咏於邱壟間老人奇知自應含笑於白雲之鄉矣於戲名流勝地義舉高風老人蘊輝一時並見可傳也况余曾有傾蓋之雅一日千

古豈同泛然聞之喜嘅交并
情不能已爰口占七律一章
聊寄輓慰更泚華而為之傳
癡到三癡癡已真晚將癡殼出紅塵
青山事業神仙墓高世行藏謝趙隣
絕華吟尋西嶽睡援琴醉鼓一杯春
南屏封樹將軍意來去楓林接夢頻
題自畫蒼松鸚鵡圖寄彭樂君

方伯

凍雨寒雲權使堂化疆旅食坐羲皇
雙禽敢擬昌黎賦鳥語松心伴夕陽
題安期進棗圖壽凌約銘觀察
白髮萊衣舞袖斜
約銘先生年六十有二太夫人在堂年八十有五洵為一堂人瑞
松苓不老壽無涯槎頭欲佐長生宴
乞得安期棗似瓜

陶人心語續選卷四終

